

انقلاب رهبری: سوریه‌ده نظامی دخالت قطعاً آمریکانین ضررینه‌دی

اسلامی انقلابین رهبری حضرت آیت‌الله العظمی خامنه‌ای، چهارشنبه گونو 11-جی دولتین بیرینجی گۆروشونده آقای روحانی‌نی مطلوب، اعتمادلی و آیدین انقلابی سابقه‌لی اولان رئیس جمهور آدلاندیریب...

اسلامی انقلابین رهبری حضرت آیت‌الله العظمی خامنه‌ای، چهارشنبه گونو 11-جی دولتین بیرینجی گۆروشونده آقای روحانی‌نی مطلوب، اعتمادلی و آیدین انقلابی سابقه‌لی اولان رئیس جمهور آدلاندیریب، مطلوب دولتین مهم شاخصلرین سایماغینان آرتیردیلا: اقتصاد و علمی بیرینجی اولوتنده بئرلشدیرین و باهالیغی مهار ائله‌ماغینان و اقتصاد عرصه‌سینده تحرک و آرامشی پاراماغینان جماعتین گله‌جاغا اولان اومیدینی آرتیرین.

اونلار هابئله آمریکانین سوریه‌ده نظامی دخالتینه تهدید ائله‌ماغینی منطقه‌یه قطعی فاجعه ساییب تأکید ائله‌دیله: هر جور دخالت و جنگ دالیسیجان اولماق حتماً اود یانديرانلارین ضررینه اولاجاق.

حضرت آیت‌الله خامنه‌ای منطقه‌نین بحرانی و حساس اولدوغونا اشاره ائدیله: بیزیم مصرین داخلی ایشلرینده دخالت ائله‌ماق قصدیمیز یوخدور اما مصر جماعتی‌نین اولدورولمه‌سینه ده گۆز یوما بیلمه‌روق.

اونلار تأکید ائله‌دیله: بیز سلاحسيز اولان مصر جماعتی‌نین اولدورولمه‌سینی محکوم ائلیروق.

اسلامی انقلاب رهبری آرتیردیلا: بو قیرغی‌نین عاملی هر کیم اولسا، جمهوری اسلامی طرفیندن محکومدور.

حضرت آیت‌الله خامنه‌ای دئدیله: مصدده داخلی جنگدن چکینماق لازمدیر چونکی مصدده داخلی جنگ، اسلام دنیاسی و منطقه‌یه بیر فاجعه سایلیله.

اسلامی انقلاب رهبری سوریه حادثه‌لری باره‌ده و آمریکانین تهدید و محتمل دخالتینی منطقه‌یه فاجعه بیللیب تأکید ائله‌دیله: بئله بیر ایش اولسا حتماً آمریکالیلار افغانستاندا و عراقدا اولدوغو کیمی ضرر گۆره‌جاقلار.

اونلار تأکید ائله‌دیله: بو جنگ سالماق، باروت آمبارینا جرقه کیمی‌دیر کی اونون ابعادی و نتیجه‌لری بللی اولمایاجاق.

